

籌辦夷務始末

同治朝
卷七十七之七十八

347911
50000

1

2

3

4

5

6

7

8

9

10

11

12

13

14

15

16

籌辦夷務始末卷之七十七

同治九年庚午九月乙丑

諭刑部。已革天津府知府張光藻。已革天津縣知縣劉傑。現由曾國藩派員解送。於八月二十八日起程來京。該革員等到部後。應得罪名。著該部速議具奏。

戊辰。江西巡撫劉坤一奏。臣承准軍機大臣字寄。同治九年八月初三日奉

上諭。現在津事未結。長江防範事宜。最關緊要等因。欽此。又於八月初五日奉

上諭。劉坤一奏籌議防務情形一摺。江防仍應實力籌辦。以壯聲

援等因。欽此。伏查長江綿延數千里。雖節節有險可扼。而要以江蘇為門戶。上游各省。自應并力一心。共籌捍禦。臣與前督臣馬新貽。安徽撫臣英翰。往返密商。彼此所見相符。業於前摺陳明在案。惟江西一省。綠營僅萬餘人。塘汛實居其半。又以各省協餉過多。本省不得不裁兵節費。所留水陸防勇。合計僅五千餘人。臣現會督各營鎮將。分別整頓。冬間可以一律就緒。目下萬一長江告警。尚有湖口鎮所轄之湖口。饒州。吳城。三營水師。悉聽兩江總督長江提督調赴下游助剿。臣先將內河江軍。贛防三軍水師。酌抽數成。分布湖口一帶。以資接替。並先抽調陸路兵勇三四千。

人會合九江鎮所練之兵。分布沿江一帶。與湖口水陸互相聯絡。即與蘇皖遙為聲援。仍俟冬閒一律整齊。再行相機進止。如蘇皖以防務喫重。需餉甚殷。江西無論如何掘羅如何挹注。自當督同藩司。先其所急。極力接濟。以期顧全時局。仰慰

宸廑。

臣前屬廣饒九南道景福。及九江鎮總兵黃開榜。湖口鎮總

兵丁義方。候長江水師提臣黃翼升。由鄂過潯。邀同面籌方略。適聞馬新貽之變。黃翼升遂駛回金陵。不及詳細商酌。昨准咨調各鎮水師。計已與兼署督臣魁玉。妥為部署矣。至洋人陰陽狡獪之奸。前事已有明鑒。臣因聞英美各

國兵船相繼北上。深虞其故智復萌。如肯就我範圍。則伐交自為制敵上策。臣謬膺疆寄。惟有恪遵

廟謨。所有一切籌防。與各督撫密商妥辦。不敢稍形疏懈。亦不敢稍涉張皇。以副

朝廷保固疆圉。撫馭遠人之至意。

己巳。

諭軍機大臣等。前據曾國藩奏。已革天津府縣。已於八月二十八日押解起程。至今尚未到部。聞該革員等現抵通州。張光藻因病未能前進。著萬青黎。王榕吉。即行派員前赴通州。將張光藻。劉傑。刻即解送刑部。不准藉病遷延。

庚午成都將軍崇實奏竊努才欽奉

上諭飭令帶印馳赴貴州會同曾璧光秉公籌商將遵義民教滋事之案趕緊完結等因欽此曾將訪查籌辦情形暨帶印出省日期先後馳奏在案途次准貴州撫臣曾璧光咨稱黔省新舊九案業由該撫督飭李鴻章原派之道員余思樞會同司道等全行議結鈔送奏稿案單前來查閱附片內稱設堂行教諸事尚須設法辦理已諭令余思樞會同在籍道員蹇闓及李原派之楊蔭棠等在遵會商妥辦分稟努才會覈等由伏查李前奏暫駐重慶先將遵郡紳民妥為開導再相機前進令曾璧光既將各案督飭議結會奏努才止

須專辦開導遵民。容其設堂行教一事。教士一邊。才未便再行干預。恐其另生枝節。一面馳赴渝城。一面飛飭余思樞。蹇閻等。會商妥辦。惟遵郡當兵燹之後。民氣素強。若不體察情形。趕為設法勸導。容其重建教堂。則教民仍得有所藉口。終屬結而未結。又慮散處四鄉之愚民。難以徧諭。周知。復由才揀選籍隸貴州在川僑寓之紳耆。密飭分起前往。暗中排解。嗣據余思樞蹇閻等疊次稟報。業經會同府縣。先後傳集城鄉紳團。詳加開導。大致皆已遵照。復將才所發該道等轉稟士民公遞呈詞批諭。反覆曉諭。無不咸知大義。同聲感激。容其重建教堂。不至再有異詞等情。

李○明○查○暗○訪○川○黔○過○往○人○士○。○食○稱○遵○民○經○蹇○閭○極○力○開○導○
均○能○仰○體○

朝○廷○一○視○同○仁○德○意○毫○無○異○言○。○以○後○地○方○官○如○能○遵○照○條○約○
隨○時○隨○事○持○平○妥○辦○。○便○可○永○遠○相○安○。○惟○據○余○思○樞○等○稟○稱○
尚○須○俟○黔○省○教○士○到○遵○。○面○定○條○規○各○項○。○而○教○士○遲○久○並○無○
出○省○日○期○。○查○此○係○地○方○官○應○辦○之○事○。○况○案○已○議○結○。○李○未○便○
因○此○久○候○。○仍○應○由○貴○州○撫○臣○督○飭○原○辦○議○結○之○道○員○余○思○
樞○會○同○遵○義○府○縣○等○。○妥○籌○辦○理○。○以○善○其○後○。○至○於○遵○郡○士○民○
一○邊○。○仍○由○李○責○成○蹇○閭○等○。○始○終○其○事○。○統○俟○全○案○善○後○完○竣○
一○面○稟○知○李○。○一○面○徑○稟○撫○臣○歸○案○覈○辦○。○免○致○歧○誤○。○李○拜○摺○

後。即起程回省。合併陳明。

總理各國事務恭親王等奏。竊查貴州民教滋事各案。日久未結。前經臣等請

旨。添派成都將軍崇實。馳往查辦。本年七月十四日。接據貴州巡撫曾璧光信。及咨奏各案件。內開黔省積年教案九起。均一一清結。旋於十五日。欽奉

諭旨。此時遵義教案已結。尚有設堂行教事務。亦須逐一清理。崇實應否赴遵義之處。著即酌量情形。以定行止。欽此。當恭錄

諭旨。鈔錄原奏。暨結案清單各一件。照會法國使臣羅淑亞在案。項於九月初三日。據羅淑亞照會。內開轉據任教士玉稱。

曾巡撫辦結貴州各案。入奏之後。並無會同甘結。且臚列遵義等處教案。亦未設法辦理。及所述委員陳昌運等。各情。必須崇將軍抵黔。方可妥結等語。臣衙門當於初五日。飛布玉咨崇實。曾壁光等。接任教士所開各節。逐一奏明。並玉覆羅淑亞去後。茲於初六日。接准崇實信玉稱。大致以貴州之案。曾壁光雖經議結。仍有未盡情理之處。似宜先從遵民一邊下手。因密派籍隸貴州在川辦捐之陝西同知張宏積。前往開導紳民。容其重建教堂。使民教各釋前嫌。此外未盡事宜。仍由曾壁光一手經理。卽於拜摺覆命後。起程回省等因前來。臣等查向來各省辦理中外交涉事件。

必須民教兩面就緒。方可擬結。今據崇實函述前因。是此案雖經入奏。而無所以完案實據。仍屬結而不結。儻再遲延逾日。不思設法辦妥。必至另生枝節。將來更為棘手。臣等伏思崇實久為洋人所信服。且於黔省教案。尤為熟習。擬請

旨飭令原派成都將軍崇實。仍遵前此

諭旨。迅赴遵義。會同曾璧光。督飭同知張宏積等。會同道員余思樞。及地方官。持平籌辦。妥速了結。

諭軍機大臣等。崇實奏遵義教案。辦理就緒。總理各國事務衙門奏貴州教案未結。請飭崇實仍赴遵義籌辦各摺片。前據曾璧

光奏。黔省教案九起。全行議結。並未將如何議結之處。詳細聲敘。此次崇實摺內。所稱設堂行教一事。業經開導就緒。而教士遲久並無出省日期。是民教兩面。尚未切實議結。不得遽謂完案。據法國使臣羅淑亞照會。內開轉據任教士。至稱貴州各案入奏之後。並無會同甘結。且臚列遵義等處教案。亦未設法辦理等語。可見該教士並未帖服。是否各案本未議妥。含糊了結。抑係該教士之言不實不盡。若不趕緊辦妥。必致另生枝節。仍為不了之局。崇實現已起程回省。著即迅速折回。馳赴遵義。會同曾璧光。督飭余思樞等。妥速籌辦。總須民教兩面各無異詞。實有完案確據。方不至再滋口實。所有此案辦理出力官紳。著

俟全案完結後。准由崇實會同曾璧光。擇尤酌保。總理各國事務衙門。摺著鈔給閱看。

科布多幫辦大臣文碩奏。竊照本年五月二十七日。接據索果克卡倫侍衛勒爾津泰稟稱。有伊犁俄領事龐齡帶同俄人數十名。聲言欲赴科布多有面商公事。請示應否放行。竊因先准總理各國事務衙門來咨。俄國以西疆商圈失利。擬派龐齡赴烏里雅蘇台。科布多平靖地方。探訪商情。行令先事密籌。屆時照約辦理。並送改訂陸路通商章程前來。是以批令放行。隨派營弁沿途迎探。行走是否安靜。一面派員照約為備旅館。一面將章程及各約有關

應行事宜。擇錄繙譯通行。各扎薩克遵照。並調各旗曉事之員來城面諭。嗣於六月初三日。差弁回城。面稟該領事已到城。沿途尚稱安靜。次日該領事來謁見。時值拏抱恙。卽榻款延。至初八日乃能答拜。後又往還約飲。互致土儀。彼此周旋。接晤數次。該領事初言所帶商人行抵卡倫。該侍衛不卽放行。聲稱奉劄不准俄人入境。意欲誘我違約。經拏查明從前實無此案。因取該商執照覆驗。則應填未填之處。不一而足。隨與辯明。是彼不按定章。非該侍衛之過。嗣因行使執荼卡倫驗貨。文移體裁洋錢成色各事。數有辯論。或已就範。或猶待商。然他事諒皆無大爭執。獨於

行使甄茶一節。該領事堅執蒙古地方用茶與錢無異。甄茶是錢不是貨。若不准其行使。商賈便不流通。鄂則因此節於撫綏外藩頗有關係。與其將來設法防閑。猶恐防不勝防。莫如就此杜絕之為愈。故非萬不得已。不敢輕於遷就。彼復請問鄂所以不准行使之義。鄂惟恐占華商地步。及蒙古習俗。向來用貨換貨。茶仍是貨不是錢。土貨止應華商交易。俄商則應專持俄貨通商。兩大旨與之立論。反覆辯難。迄無成說。其餘相商各節亦多因此未定。直至七月初間。彼言來已一月。看之事總無成。請鄂為傳臺站。就便赴烏里雅蘇台採探商情。鄂辭以非約。乃言欲自雇備。

人地生疏。求為幫助。等隨令派辦之章京青少為雇馱。腳
於七月初五初十等日。兩起遣行。仍派原差之候補外委
李得勝。開道前往面稟福濟等。即便訪察途次情形。彼現
留俄商二名在此試市。除詳細報明總理各國事務衙門
外。理合奏

聞。

御批該衙門知道。

壬申大學士兩江總督曾國藩奏。福建前任臺灣道吳大
曾。於同治七年。在臺灣任內。因病呈請開缺。回籍調理。八
年三月。經沈葆楨奏請起用。奉